

Gratiarum Actionem pro omnibus beneficiis per totam Institutionis sua tempus sibi largissimè exhibitis. Partem enim favore insigni fotti, partem munificè sustentati, partem liberaliter fuere cibati, quod grato animo agnoverunt, nec semel sed semper predicaturos sese testati sunt. Testes horum produco Viros magnos, nec sui tantum nominis Dn. D. BENIAMINEM LEVBERVM ICTum Consiliar. Electoral. Saxon. & Fisci per superiorem Lusatiam Patronum, Dn. D. ANDREAM VVINCKLERVM Curiaë provincialis superioris Advocatum ordinariam, Dn. GOTTFRIDVM VOGELIVM Medicinae Doctorem, Dn. CASPAREM ZEIDLERVM Reipubl. Protonotarium & Senatorem, Dn. IOHANNEM MARTINI Ecclesie Evangel. Diaconum, Dn. Collegas meos, atq; alios Philosophiaë Magistros & Studiosos, qui Orationes hasce die predicto gratiosa sua presentia condecorarunt & benevolã attentione prosecuti sunt. Proinde Ego eos post quadraginta & unum, qui hoc meae docturae septennio ex nostra Scholã immediate ad Academiã transferunt, ex nostra disciplina publicã dimitto, idque in nomine SSanctæ & individuaë Trinitatis bono hoc omine atq; voto sic facio, ut eis propitium DEVM & sanctos Angelos viales comprecet, quò studiorum suorum bene cæptorum telam feliciter pertexant, ab omni Harpyiarum commilitio, Voluptatum fœdarum contubernio, & seductricum Sirenium illicio tuti, utilia olim atq; salutaria Reipubl. Christiana vasa fiant atq; instrumenta; & propterea omnibus bonis literarum & literatorum Fantoribus atq; Patronis de meliori studia & conatus eorum commendo: Teque, Lector Benevole, divina Misericordia, Pacisque suavitati exoptatissima, Vale.

JOHANNES Theill Naumburg. M. P. L. C.
Scholæ Evangel. apud Budis. Rector.